

Aylanma (joriy) aktivlar

69. Aktivlar quyidagi hollarda joriy aktiv sifatida tasnif etilishi kerak, agar:

69.1. Xo‘jalik yurituvchi sub’yekt operasion faoliyatining bir qismi bo‘lsa va sub’yektning bir normal o‘tayotgan operasion siklida uni olish yoki iste’mol qilish kutilayotgan bo‘lsa;

69.2. Asosan qayta sotish maqsadida yoki qisqa muddatda saqlab turilgan bo‘lsa va undan hisobot sanasidan keyingi 12 oy mobaynida foydalanish kutilayotgan bo‘lsa. Boshqa barcha aktivlar joriy bo‘lmagan aktivlar (uzoq muddatli aktivlar) sifatida tasnif etilishi kerak.

70. Joriy aktivlarning ikki turi mavjud. Birinchi turi xo‘jalik yurituvchi sub’yekt aylanma kapitalining bir qismi sifatida namoyon bo‘lib, xo‘jalik yurituvchi sub’yektning normal operasion sikli davomida olingan yoki iste’mol qilingan bo‘ladi. Ikkinchi turi operasion aktivlar hisoblanmagan, lekin savdo yoki investisiya maqsadlarida saqlab turilgan va ularni hisobot sanasidan keyingi 12 oy mobaynida sotish kutilayotgan joriy aktivlar sifatida namoyon bo‘ladi. Joriy aktivlarga hisobot sanasidan keyingi 12 oy mobaynida olinadigan yoki iste’mol qilinadigan zaxiralar va debitorlik qarzlari kiritiladi.

71. Xo‘jalik yurituvchi sub’yektning operasion sikli — bu materiallarni xarid qilish, ishlab chiqarish va naqd pulga yoki osonlikcha pulga aylantiriladigan moliyaviy aktivlar hisobiga sotish o‘rtasidagi o‘rtacha vaqtdir. Operasion aktivlarni uzoq muddatli va joriy operasion sikl o‘rtasida tasnif etish maqsadida bir yil hisoblanadi, agar

faqat shu tarmoq yoki faoliyat turi uchun kattaroq davr
ancha muvofiqroq hisoblanmasa.